



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

Sequitur diploma Lotharij Imperatoris.

urn:nbn:de:hbz:466:1-13578

ginq̄uo Monasterio, & is, qui electus fuerit, ad designationem suę electionis baculum ab altare sui Monasterij sumat, & si fortè Monachi illi in electione dissentiant, tunc adueniens Episcopus Patauiensis, cum Aduocato ipsorum eos suis exhortationibus coadunet, & vt mediator sanioris partis sententiam tenere, persuadeat; moxq̄ue idem Præful hæc ita suo decreto, cum Clericis & Abbatibus, qui præsto erant, stabiliuit, & Episcopali Banno confirmauit. Aliunde hæc firmari non erat, propter schismata & dissensiones, quæ tunc temporis in Sede Romana erant, & in regno.

PORRO Eckperrus supra memoratus loci Patronus, à Domino instinctus & amore parentum submonitus, superaddidit prioribus datis supplementum, de sua & mulieris suæ hæreditate tradidit, namq̄ue ipse & vxor eius Mechtild, annuentibus hoc filiis eorum, ad sustentationem sæpè jam dicti loci Monachorum in eodem loco Formpach hortum & cortem vnam & molendinum, donauit & campum quendam siue territorium seu nouale in vsu pratorum aptandum & prænominatis terminis extirpandum, & concessit eis potestatem saltus ibidem vel syluæ ad cedendum in quoscunq̄ue vsus & ad saginandum porcos. Dedit etiam dimidiam decimam Ecclesie, quæ Antefin vocatur, & dimidiam Huobam in villa, Hartheim nomine, & duas vineas in villa, quæ dicitur Eholuingen; in super etiam dedit eis in Orientali plaga villam, nomine Neukirchen, & Ecclesias Parochiales duas, vnam sub castello Butino, Parochiam Butinensē, & alteram in villa prædicta Neukirchen, cum decimis & cum cæteris omnibus ad has pertinentibus, & id quod in ea loci est mercatum & villam, nomine Werth, & alium locum iuxta fluuiolum Gloeniza, vbi modò Cellam constructa est, cum pratis & sylua vsque ad Clamma, & pratium iuxta fluuium Bruna, & dimidiam Huobam, in villa, quæ dicitur Beyrbach, & dimidiam Huobam in loco, qui vocatur * Smidesdorff, & dimidiam Huobam in villa, quæ dicitur Gloeniza, & tres vineas, vnam in loco, qui vocatur Botschach, & duas in alio loco, qui dicitur Wirbilach. Tradidit etiam ille in idipsum, quod supra quicquid inter Enum & Enesum fluuios inueniri potest, illorum mancipiorum, quæ coniugi suæ in partem ceciderunt, de familia patris sui Adelberonis Episcopi. Harum singularum traditionum Testes sunt isti per aurem attracti, Orachar Marchio, Dietricus Comes de Formpach, Bernhard de Afcha, Bernhard de Schonheringen, Haiderich, Henderich de Cambe, Henderich, Heydenreich de Erlacha, Pilgrim de Rotingen, Heinrich & Regimbrecht de Perchofen.

Sequitur diploma Lotharij Imperatoris.

IN NOMINE sanctæ & indiuiduæ Trinitatis. Lotharius diuina fauente clementia tertius Romanorum Imperator Augustus. Cùm defensionis nostræ sollicitudo circa omnes Ecclesias & Christi pauperes inuigilare debeat, familiarius tamen eas Ecclesias & claustra fouere & manu tenere debemus, quæ à parentibus nostris fundata sunt, in quibus quotidie nostri & ipsorum apud Deum memoria fit. Proinde tam futurorum quam præsentium sagax nouerit industria, qualiter nos ob remedium animæ nostræ & consortis nostræ Richniza Imperatricis Abbatiam Formpacensem, cum omnibus pertinentiis suis in nostram suscepimus tuitionem & defensionem. Quam toto deuotionis nostræ affectu amplectentes, sicut libera instituta est à Comitibus piæ memoriæ, Eckberto & cognato suo Valrico, ita libertatis ipsius privilegia nostra Imperiali auctoritate confirmamus; ea videlicet lege & tenore, vt ab omnium mortalium seruitio & exactione

*Nunc ad
monasteriū
Reicherf-
perg perti-
net, à Cora-
do Salibur-
genſi Episco-
po tradita,
Anno 1142
iuxta diplo-
mata ibide-
m quibus
nulla mētio
de Parochia
ſeu illius ju-
re patrona-
tus. Sed de
decimis tē-
tium illius
Parochia
ac alterius
in Brēberg
circa Butig-
manide quo
apud Mona-
ſteriū Rei-
cherſberg
latuit.
* al. Im-
deidorf.*

& exactione immunis, soli Matri nostræ sanctæ Romanæ Ecclesiæ suum famulatum recognoscat, & singulis annis, vnus aurei debitum exhibeat. Abbas etiam ipsius per successiones à fratribus ipsius regulariter & libere electus, non aliter nisi baculo de ipso altare accepto inueletur: Similiter & Aduocatus de prædictorum genere Comitum magis idoneus communi arbitrio & electione fratrum constituitur. Inter cætera autem eidem Ecclesiæ confirmamus mercatum in Neukirchen cum moneta & omnium vtilitate, quæ inde prouenire poterit, & præterea non minus confirmamus, quicquid iuris habere debet, ex donatione prædictorum Comitum, Eckberti, Vdalrici, nec non Hermanni fratris ipsius specialiter ligna, pastum, ædificia & quæcunque adiacentis forestiæ vtensilia. Sub nostræ itaque confirmationis auctoritate comprehendentes tam ea, quæ in præsentem habet, quam quæ habitura est eadem Ecclesia, præcipiendo iubemus, vt nullus Dux, Archiepiscopus, Episcopus, Marchio, Comes, Vicecomes, nullus denique magna paruaue persona in his concessis eam inquietare, molestare, diuestire præsumat. Si quis verò contra hoc (quod non credimus) præsumpserit, 10. libras auri medietatem prædictæ componat Ecclesiæ. Quod vt verius credatur, & ab omnibus diligentius custodiatur, præsentis decreti paginam sigilli nostri impressione insigniri iussimus. Huic autem confirmationi testes adhibuimus Archiepiscopos, Adalbertum Moguntinensem, Conradum Saltzburgensem, & Conradum Magdeburgensem, Episcopos, Wirtzeburgensem Embri-conem, Haluerstad. Rudolphum Megengorum Mersburgen. Gotebold. Misne. Bernhardum Hildesheimensem; Marchiones, Conradum, Adalbertum, Palat. Fridericum, Ortonem, cum cæteris maioribus & minoribus. Data anno incarnationis Dominicæ, millesimo, centesimo, tricesimo sexto, Indictione 14. pridie Idus Maij. Anno vero regni Regis Lotharij X. Imperij tertio. Actum Merspurg, in Christi nomine fœliciter. Amen.

PRIVILEGIA huius Monasterij, præsertim Lotharij Imperatoris confirmata sunt, per Duces Austria, nempe per Rudolphum, Fridericum & Albertum, fratres, de Anno 1306. 1311. & 1334. Item à Duce Alberto Anno 1431. vbi se Aduocatum huius Monasterij nominat.

ADDITIONES.

POST hanc institutionem transacto parui temporis spatio tradidit bonæ memoriæ Dominus *Odalricus* de *Windenberge* frater Domini *Herimanni*, ad idem cœnobium quædam suæ proprietatis loca, quæ veraciter hic sunt adnotata: videlicet partem Ecclesiæ sancti *Martini* quæ contigit sibi & fratri suo *Herimanno* cum omni dote quæ ad eam pertinuit, scil. *Eholuingum* cum Ecclesia quæ ibi sita eo iure & vsu quo à suis partibus in hæreditatem acceperat cum quadam parte decimæ quam *Thiemo* auus suus ab Episcopo *Egilberto Patauenfi* mutuauit eum vinea ad *Raddharen* & huoba ad *Perguren* & in ipsa villa cum quibusdam agris & prato. Quæ decima delegata est super altare Ecclesiæ *Eholuingum* in præbendam suis capellanis, videl. *Wazoni*, *Wichardo*, *Hiltipoldo*, *Iozo*, qui inibi diuina celebrabant. Et idem Comes *Thiemo* à prædicto Episcopo *Eg.* obtinuit suæ familiæ in eadem Ecclesia sepulturam, & cætera legis diuinæ, quam postea Ecclesiam cum prædicta decima delegauit super altare S. *Martini Formbach*. Hanc ergo villam & Ecclesiam & decimam quia ad Ecclesiam S. *Martini* pertinebat cum eadem Ecclesia tradidit *Odalricus* ad prædictum cœnobium, ea ipsa ratione & placitatione qua superiora vt scriptum est super perfecta. Morte autem præuentus ea omnia vt suæ voluntatis erat non ad perfectam delegationem

E.M.S.

Dd 4

vsque